

四庫全書

史部

欽定四庫全書

路史卷十七

宋羅泌撰

後紀八

疏仡紀

高陽

帝顓頊高陽氏姬姓

古史攷以爲妘姓纂則謂顓帝帝風姓故唐表韋氏彭氏皆妘出風

姓顓帝之後俱妄

名曰顓頊

顓頊厚養也河圖云瑤光貫日正白女姬感于幽房之宮生黑帝名

顓頊均云日月失行瑤光星精貫月集韻云頊頭煩音玉

黃帝氏之曾孫祖曰昌意

黃帝之震適也行劣不似遜于若水

遜謂降封之史記玄囂降居江水昌

意降居若水若即江之下流皆在蜀水經云水出旄牛徽外東南至故關為若水即昌意之封又南過越嶲邛

都至朱提西瀘江水則玄囂封處又九州要記云雋之臺登有雙諾川鸚鵡山黑水之間若水出其下即黃帝

子昌意降居于此杜預以為昌意所封在郿郡乃襄州樂鄉矣取蜀山氏曰景嫫

一作景樸

即史云昌樸大戴禮為昌濮搜神記世紀作景僕云即女樞又以為昌意正妃妾

生帝乾荒

流蓋乾荒之誤為乾流曰帝者如漢山陽公之日獻帝唐孝敬奉天承天三皇帝追稱云山海經丹朱商均皆

曰帝亦若是也劉知幾所以唱謂朱擢首而謹耳玃喙

而渠股

擢首長咽謹耳小耳或作擢耳謹首非海內朝鮮紀云謹耳豕喙鱗身渠股郭云謹耳未詳渠

車輶傳言若大車之渠非也渠鉅也謹小也相書耳門不容麥壽過百

是襲若水

文選若水顯帝

所生呂春秋云顯玉生自若水實處空桑乃登為帝世紀作弱水非

取蜀山氏曰樞是為

河女所謂淖子也淖子感瑤光于幽防而生顯頊

潛夫論云

幽防宮也世紀等云星貫月如虹舍神霧云瑤光蛻貫日正白感女樞注星光如虹蛻往貫月也

渠頭

併幹通眉帶午

元命苞云顯玉帶午是謂清明干謂成干字易乾鑿度云泰表戴干鄭氏云泰

者人形體之彰識也干盾也王幼言隨文有龍顏戴干之表指示羣臣是也宋忠注為干盾故世紀云高陽首帶干戈誤矣本文作帶午言如午字葉法善額有二午者或又作帶牛非

淵而有謀疎以知

遠年十五而佐小昊封于高陽

涿郡有漢高陽縣以在高水之陽名本隸河間

今之順安軍然浚儀亦有高陽故城開封圖經云高陽氏佐少昊有功封于此九域寰宇從之非也蓋後都之冒高陽之名于此爾故郡國志云汴之高陽城高陽氏之虛也車頻秦書云新平民畊獲玉器初有金彫者頗知圖記王猛勸誅之彫臨刑表言新平古顓帝之虛其故有白鷄閭記言此里應獲古帝王寶至是果信都

始孤棘二十爰立乃徙商丘以故柳城衛僕俱為顓頊

之虛

古帝王于中國邊地每有二都孤棘今營州柳城東南百七十棘城是寰宇記云顓帝之虛通典云

號曰顓帝之虛故慕容廆以大棘城帝顓頊之都移都之教農桑制同中國商丘濮陽也以帝居之因曰帝丘乃衛之都故今澶之臨河東北三有顓頊城史記顓頊都帝丘其地北至幽陵惑也世紀云自窮桑徙商丘大行東北及交廣桑之野豕逃迹高陽故遂以高陽氏黑犛之次水經晉志因之非

精之君也

注月令

以名為號故後世或姓焉

神仙傳有太玄女顓頊和

紹小昊金天之政乘辰而王以水窮歷故外書皆稱玄

帝

道書言玄帝者皆高陽氏莊疏云十二冠十五佐少昊二十即位亦曰玄帝

祭饒牲用騂

薦玉以赤繒載時以象天養材以任地依魂神而制義

治氣性以立教自是不克遠紀始為民師而命以民事

釐改服度符采尚赤乃立九寺九卿

少昊顓帝官號蓋因黃帝而益詳故

賈公彥云高陽以前畧言于上成王言唐虞稽古建官惟百則上下百官之間

重該修熙少昊

氏之四叔也

叔出季處之叔傳以為少昊裔子妄

實能金木及水乃俾重

為句芒該為蓐收

惠王十七年號谷夢在廟有神人面  
白毛虎爪執鉞立于西河云云覺名

史驚古之蓐收  
也天之刑神

修及熙為玄冥

姓氏英賢錄云玄冥為  
水正熙氏佐之禮傳云

五官古帝王子孫有功之人左正義言五官在高陽之  
世居官有功以功見祀不是一時之人修熙代為水正

非一時者不然蓋不知北方虛危無位權衡龜蛇皆是  
二物與賢皆有左右之義有說別見玄冥為司寒乃修

之職如言  
犁曰祝融

孫犁顯曜乃命祝融而炎帝氏有子句龍俾

為后土是謂五官

春秋傳云句芒春官為木正蓐收秋  
官為金正祝融夏官為火正玄冥冬

官為水正句龍后  
土中央為土正

恪共厥業遂濟窮桑

帝立于窮桑之號  
亦有窮桑之號

故服傳云窮桑顛頊所居柱氏以窮桑為少昊之號而  
先儒遂以五官為少昊所命非也顛頊以來不能紀遠

始為民師木正火  
正非鳥師之號

上世人神異業是以禍災不至而求

用不匱小昊氏衰玄都氏黎實亂天德賢鬼而廢人惟  
龜策之從謀臣不用詰士在外家為巫史亡有要質方  
不類聚物不羣分民匱于祀神褻民狎嘉生不降龜策  
鬼神不足以舉勝左右背鄉不足以專戰乃命重犁典

司祝融重獻上天以屬神犁抑下地以屬民以絕上下

之通以規三辰之行

隋天文志高陽氏命北正犁司地  
按楚語云九犁亂德民神雜探不

可方物顓頊受之命南正重司天以  
屬神火正黎司地以屬民高陽之世使復舊物毋相浸



瀆民用安生

重為南正犁為火正火正司馬故齊職儀云顯帝以司馬主火應劭曰犁陰官也火

數二故火正司地以屬民鄭答趙商與昭皆以為三皇至道故舉南比正夏冬而春秋自正五帝中道故又命

義和于春秋夏詳人事乃合而一之漢高可章商之奏以趙堯舉春李舜舉夏倪湯舉秋貢禹舉冬各職一官

以舉時政宣帝時魏相請以明經通陰陽者四人各主時至明言所職此後惟有司歷之官而已月令開明堂

布十二月之政當作北犁安也于是窮四履稱險易申畫郊畿以殿任

賦立勤人以職孤為正長以惠窮置宰叁以恤亡設射

志以習雅守獵耘耔以習移出內簡乃礪名岡保大澤制

十等之幣以通有亡曰權衡見管子高陽貨一種作尺呂兮亏一幕文作仝高陽

貨一金也纂古高字正同董譜高陽金別種五  
等或出長平異布封演曰面有科斗書是也 宿疇以

成泉幣亡滯工賈時市臣僕州里俾毋交為是以主虞  
而安民璞而親官亡邪吏市亡型民事分職正而人反  
其故然猶悛慙自持焦心蛾伏以從事于賢謂功莫美  
于公惡而之善臯莫大于沓惡而不變非惟善善善因  
善也非惟惡惡惡緣惡也乃專令曰毋慢制毋虐民貴  
臣驕而弗諛男女不相辟于道者拂之四達之衢文龍  
負圖于是書科斗百辟作戒盈之器室而著復禮之銘

詩以為德黜之術

後周書武帝詔云甲子乙卯禮云不樂昔周王受命請開顓帝之廟有戒

盈之器室與復禮之銘者也

師于大款赤民柏夷父柏亮父淶圖之

流以濬其明而畀其聖

淶從水見何氏姓苑傳多作絲國新序晉紀又作錄圖皆非

謂至道不可過至義不可易而後治者復迹也故上緣

黃帝之道而行之修黃帝之道而賞之弗或損益而致

治平

見鬻子及賈氏新書祭法黃帝正名百物以明民共財顓頊能修之

乃注新歷十三

月以為元歲紀甲寅上日乙巳日月值艮維之初而五

星會于天歷

天歷營室也秦用顓帝歷元用乙卯竊按歷法黃帝顓帝夏商周魯凡六家皆有元

顯帝歷術云天元正月乙巳朔旦立春俱以日月起于天居營室五度與月令合然秦歷以十月為歲首故說者謂顯帝歷首十月非也蓋秦遇閏則一切置之九月為後九月則是首十月亦非以十月為正也按二世二年閏在酉漢二年閏在巳五年在寅而皆書後九月非法也傳又云顯帝歷正月用寅朔亦非

蟄始動時雞三號而立春至天曰作時地曰作昌人曰

作樂是以萬物應和而百事理是為歷宗

傳言顯帝歷正月朔旦七

曜直良維之初漢太初歷冬至七曜會于牽牛按金水二星常附日而行故史記漢書及荀悅紀皆記高帝元年十月五星聚東井而魏高允以為史之失按五星乃以前三月聚東井非漢元年十月乃正出未

天之合正風乃行

律家皆謂顯帝始作渾儀故後世尊用之不能改益部傳巴郡洛下閼改

顓玉歷為太初云後八百年差一日隨顏慙楚上言亦云又詳陰胄玄傳按歷帝紀顓頊造渾儀黃帝為蓋天以古未有歲差之法如顓帝歷冬至日宿牛初今宿斗六度古正月建丑又歲與歲合今亦差一辰且如堯典日短星昴今則日短東壁矣其疎如此顓帝之渾儀其法則實蓋彌故劉氏歷正問云顓帝造渾儀黃帝為蓋天皆以天象于蓋非今之所謂渾也有排渾別見

熙熙鏘鏘帝好之爰命鱣先為倡洎蜚龍稱八音會八風之音以為圭水之曲以召

氣而生物

方時金石絲竹匏土革木之音備也后世有作以八方之物全五聲者制為八音以召氣

以生物鱣先蜚龍蓋人名倡首也太晟云鱣鼓其腹呂氏之說怪

浮金効珍于是鑄為

之鐘

太晟書云其金聲震百里

作五基六韜之樂以調陰陽享上帝

命曰承雲

漢書作六莖五英樂緯動聲儀作六英五莖于諸書獨不同非也按宣和古器有甃鐘其

銘凡六其字作甃銘云宋公成之甃鐘所鑄所謂六甃也國家肇建鼎樂之際于應天得之制作雄偉雙龍盤鋸篆其帶曰黃鐘夫宋乃微子始封之地六莖乃高陽氏之樂宋三王之後故得用之以祀則六鐘為商制而高陽之遺法也故晉志曰敦不綱英莖之制已微元結亦誤矣劉恕以為帝系譜漢志世紀放六樂撰其名鄙

哉

上緣黃帝因事而憲功文德錫之鐘磬武德錫之干

戈而人知鄉方矣

見淮南子

惠浸萌生信沾翔泳于是設簫

鬱陳裸鬯仗萬靈以信順監衆神以道物馭百氣詔雷

電采羽山葛嶧之銅鑄鼎以臧天下之神主諸著洞臺

之山陰宮之丘悉寘之移安德之石填焉

詳陶弘景真告

設玉

兆

太卜三兆玉兆瓦兆原兆顓帝玉兆象其玉帝堯瓦兆象其瓦疏云卜筮先王所作伏羲時已有未有玉

瓦原之名爾至顓帝以來始有

因畫景乃乘結元之輦巡四海以寧民

北嶺幽陵南拊交止西際神沙東跂蟠水四行天下周

旋八外動靜之物小大之神日芒所認靡不砥屬集威

成紀以理陰陽處乎玄宮搏心揖志不貪廣遠故地大

而不淫在位七十有六崩

韓愈云年七十九世紀云九十八二十一而立或云三十

六立皆非按新序云齊閭丘印遮宣王曰昔帝顓頊十二而治天下故禮傳謂顓帝十二而冠蓋因立而始加

元服也 葬東郡頓丘廣陽里務顛之陽也 俗謂之商王陵妄也 郡國志云顛項

葬俗名青冢山皇覽冢墓記云在濮陽縣頓丘城門外廣陽里中崔鴻前趙錄云和苞諫劉曜曰堯葬穀林市

不改肆顛帝葬廣陽下不及泉十道志云鮒鰓即廣陽山之別名也 寰宇記在頓丘西北三十通其記帝陵在

相州臨河乾德四年置先代帝王守陵戶高陽在臨河寰宇記臨河東九里顛項廟而九域志順安高陽縣有

顛項陵縣故隸瀛而臨河濮陽地相出入也 然顏真卿吳地記烏程有顛項陵則非矣 務顛九域志與作鮒鰓

同 下不及塗四它衛之 上郡石穿貳負乃見漢陽索出 又祈始聞女媧神變宜亦見而

可知四地衛之何足深怪 昔漢丁姬與臨江王之葬皆有驚數千銜王投壙中亦此類也 象能耕鳥能耘却未

必為虞帝陸 其陰九嬪在焉 其范林方三百里 經云爰龜蒙辨之非 有熊羆



文虎離朱鷓鴣  
又視肉瑤塊

其立也歲居豕韋其崩也歲在駮火故傳

以墮為顓頊之族非也

學者不曉此義故信而不疑夫  
墮土族而顓帝水也此學者之

誤也取鄒屠氏勝瀆氏初帝倬蚩尤遷其民善者于鄒屠

惡者于有北鄒屠氏有女履龜不踐帝內之是生禹祖

及夢八人蒼舒伯益禱演大臨龐江霆堅中容叔達是

為八凱

寶積記云一曰八神一曰八力一曰八英言神  
力英明也又記云夢日則生子八夢日而生八

子故曰夢帝崩而元子立襲高陽氏是為孺帝尋崩而帝嚳

立山海經所謂孺  
帝顓頊是也伯益之字墮凱次居子族之三益廟  
碑云

字隲凱帝高陽第  
三子亦見水經注為唐澤虞是為百蟲將軍

蟲今鞏洛  
嵩山有百

蟲將軍廟是也自漢有之水經云  
晉元康五年七月順人吳義復立佐禹治水封之于梁

舜嬪禹禹巽于益辭焉

故韓孟稱益之避啟而張壽王  
謂伯益為天子代禹差矣漢志

謂之伊益世本作  
化益或宜伯字年過二百南梁大教梁之析也有梁

氏教氏伯氏

見風俗通伯益治水封于梁亦見尚書春  
秋左傳故劉昭志云董氏與梁同祖光

元年有白衣入陽德殿門稱梁伯夏  
亦見風俗通云顓頊大教之後是也

霍堅封安安既復

分蓼後俱滅于楚猶以國氏

安蓼皆姬姓故地理志云  
安姬姓國而世本蓼亦姬

姓則皆庭堅後也杜預以庭堅為臯陶之字妄也魯文  
公五年秋楚仲歸滅六冬公子燮滅蓼滅文仲曰臯陶

庭堅不祀夫臯陶乃少昊後四世而庭堅則高陽之子六乃臯陶之後而蓼則庭堅之後也預既誤以庭堅為臯陶字乃復以蓼為臯陶後偃姓失之矣予嘗攷之臯陶之後有舒蓼而非蓼也舒蓼偃姓而蓼則姬姓也蓼滅而舒蓼猶存至宣公八年始滅其地乃壽之霍丘而蓼乃安豐其地相邇也舒蓼與蓼既自二國而舒又自一國乃黃帝之後任姓見潛夫論預不知別有舒與蓼而分臯陶後舒蓼為二國謂皆偃姓正義以為文五年蓼滅復封而楚復滅之俱勝奔氏曰嫁奔即勝潰也埤繆按舒僖公三年已滅矣勝奔氏曰嫁蒼云嫁顓帝之妻名世本人表皆作女祿大戴禮勝奔氏之子謂之女祿生老童

生伯偃卷章季禺三

人偃字伯服與卷章綿產

昭二十五年疏引楚世家及世本顓頊生偃偃生卷章

季禺是生叔歆

大荒西經叔歆顓頊之孫

卷章取梔水氏曰嬌

即所謂嬌

禍者一作橋極皆非也勝瀆一作滕湟一作勝其槐水  
見世本一作即水皆字畫之轉失卷章史及大荒經作  
老章經云顓頊  
生老童非也  
生犁及回犁為祝融淳曜敦芒天明地

德臨照四海是食火土生長琴及噎噎處西極以行日

月太子長琴居于搖山竇始樂風犁卒帝嚳以回代之

楚語及史記云共工作亂帝嚳命祝融誅之不盡乃  
以庚寅日誅之而以弟回為犁復居火正祝融非也回

食于吳是曰吳回生陸終

唐韻云陸終古天子妾也楚及司馬氏皆云陸終吳回之

後也司馬遷乃以為皆重犁之後失  
之重犁乃自二人有辨見發揮中

取鬼方氏曰嬪世本

帝系云鬼方國君之妹女嬪音蒯人表作女嬪故集韻  
音潰大戴作女隤一作女嬪繆陸終彭祖之父也仙傳

云彭祖遺腹而生三歲失母妾也黃囊經云彭祖父  
墓坤山下作癸向放坎入乾坎峯高揖五行相生 脛

三年生子六人曰樊曰惠連曰錢曰求言曰晏安曰季

連以六月六日坼左而三人生剖右而三人出驛生坼

是事有說在餘論樊為己姓封昆吾昆吾為夏伯主其後裔自

臧而無譟與桀同滅故孔子曰堯之有天下允恭以持

之虛靜以待下是以百載而愈成汜今而益章昆吾自

臧滿意窮高而不衰是以當時而虧久而愈惡損益之

道也以乙卯日亡鄭語云昆吾為商伯非世本云昆吾者衛是後有昆氏吾氏昆吾

氏氏書又有吳氏戰國策楚將吾得注當為五非顧溫蘇扈廖董諸斟祝產皆

已分也

祝產見國語

扈則啟滅之矣後有戶氏扈氏有扈氏

前秦錄以蒲氏符氏皆出于扈妄也

顧溫則商滅之溫則狄滅之後有顧

氏雇氏溫氏宋氏

詩云韋顧既伐昆吾夏桀皆先桀滅者僖十一年溫滅溫子奔衛

蘇伯

吉利是世祝融逮妻搏頰死託于竈

竈者老婦之祭許氏五經異義云吉

利婦姓王名搏頰而世立祝庸為老婦者妄

紂王欲伐有蘇蘇以妣進免紂

寵之而亡周滅之有蘇氏司寇氏

平王時有蘇成公好箎

其支子

封郝又為郝氏

姓纂以為忿生支子已姓青陽之後妄也

廖有叔安異封于

董董甫以恭龍事虞封于駿川別為駿夷更為關龍

音恭

龍同關龍逢作平聲非

廖董關龍則夏滅之駿則商滅之後有廖

氏颺氏颺氏颺叔氏董氏董甫氏

廣負

侯叟氏

風俗通

青史

氏駸氏駸夷氏融夷氏恭氏關韻氏李氏關之轉又為

關氏

唐李忠臣本董氏從朱泚誅秦青史氏出英賢錄關上音恭下如字

斟姓灌罍則夏

滅之戈介則商滅之後有斟氏戈氏斟戈氏罍氏罍氏

罍氏斟罍氏鄆氏斟灌氏灌氏介氏

周大夫有鄆盼又有罍氏出姓纂要

諸斟之姓世皆有之而史伯謂斟無後蓋在周無封土也史記遂以斟戈罍為禹後賈逵以諸斟為曹姓後皆

因史伯之言而誤之也

惠連妘姓其封參胡參胡者韓是周之鄆

子其後也後有鄆氏參氏

並見世本鄆子妘姓外傳謂參胡無後亦非故漢志以鄆

子為堯後失之

籤之字鏗封于彭是為大彭彭祖以斟雉養性

事放勳

其彭祖事備黃山君彭祖經中仙傳以為姓籤名鏗此出世本籤乃古翦字故虞翻云名翦國

都記豕韋氏彭姓國祝融後陸終第三子曰翦封于彭今為祖姦切者非唐韻音戕

夏之中興別

封其孫元哲于韋是為豕韋迭為夏伯夏遷于商老彭

守官大夫商王拼采女受術籤始去之終身不見

稟宇彭門

記殷之賢臣顓帝之玄孫至殷末

壽七百六十七

莊子云彭祖得之上及有虞下及五伯如



此而已彭祖傳云商王時傳之三百歲已謬矣仙傳乃云容四十九妻五十四子或云壽七百或云四百皆妄世本鏗在商為守藏史周為柱下史子云老彭蓋又誤為老子也潛夫論又謂顓帝師于老彭尤乖

暨稽舟人皆彭分也高辛師舟人

即此晉有舟之僞

暨諸稽則

商滅之禿姓舟人則周滅之韋則夏甲遷之矣

左傳言孔甲以

劉纁更豕韋後矣而鄭語乃云大彭豕韋為商伯又云彭祖豕韋則商滅之則三國至商方盛豈劉纁遷魯之後而二國更復乎然襄二十四年范宣子言其祖又云在商為豕韋氏豈復封乎不然何兩立也

後有

錢氏錢氏禿氏舟氏韋氏豕韋氏伯氏霸氏覽氏壽氏

名氏諸氏諸稽氏稽氏暨氏既氏周氏

上元中賜暨佐時為周氏暨音

吉又  
如字  
錢鏐當乾寧以十三州王吳越者百年而俶朝于

我  
姓纂有彭祖孫子為周錢府大夫周氏六一文云錢氏三代以來無顯者初以士為周官久而以為氏

來言邳姓封于儉是為會人介于河伊貪晉滅爵上下

不臨重氏伐而亡之有儉氏鄆氏會氏

即鄆也鄭語云號仲恃勢鄆仲

恃險鄭武公滅之徐廣云在河南密縣杜佑云在新密史以為鄭非

儁路云鄆偃夷皆邳

分也儁侯納仲任貪冒愛吝蔑賢簡耐而滅于鄭有儁

氏鄆氏隰氏焉氏

陸德明以鄆為平上去三聲非是詳見國名記

云近楚若敖

父子娶焉後滅之有云氏員氏雲氏鄆氏邳氏

邳又作涓覲唐

書員半千十世祖凝之本彭城劉仕宋後奔魏自比伍員改為員王淵切竇革云唐人讀作運此皆好異按前涼錄已有員敞芸閣姓苑云員氏南陽與楚同族顛頊之後令尹子文鬬伯比之子育于鄭公辛辛生鬬懷員蓋辛之後路偃陽夷侂諸則晉滅之後各以國為氏魯襄十年滅偃

陽以與向戌公羊作偃陽譜有偃陽姓

晏安封轉為轉姓朱婁騶繹倪莒

小朱根牟皆轉分也武王得轉挾復封之朱曰朱婁朱

友以父夷甫顏功封倪三世居騶從齊尊王是為小朱

子圈稱葛洪云邾武公字伯顏人謂顏公子孫為氏王儉云未知按邾婁顏公事見公羊傳魯公家譜亦以

邾言代北可朱渾亦為朱望河南

小朱十四世而朱二十有九世滅于

楚封其君為鉅鹿侯後有朱氏侏氏

姓書邾春秋後八世滅為朱氏然哀

公時有齊大夫朱毛

侏氏婁氏邾婁氏兒氏倪氏鄉氏倪犁氏鄒

氏騶氏菑氏翼氏挾氏無婁氏庶其氏楚且氏鉏從氏

茅成氏茅夷氏卑徐氏茅地氏夷氏儀氏夏父氏揆氏

庚氏蘧氏繹氏顏氏

茅夷卑徐鉏丘茅地蘧繹皆以附邑為氏見姓纂者顏氏見園稱陳

留傳及葛洪集要皆云顏出于邾而朱知儉譜獨以為出于伯禽之庶采于顏者非也故魯公尚書譜亦謂之儉為失

仲尼之門顏氏之達者八

路回僕會何祖克辛也之推云仲尼母族

故多賢蓋私言

根牟者侂也魯眵之

宣九年

後有根牟氏牟氏侂

氏年孫氏莒則周滅之矣

非紀姓之莒周滅之以封茲與期

伯禹定荆

州季芊實居其地生附叙始封于熊故其子為穴熊

芊

野以名加姓附叙史作附祖大戴附祖氏產穴熊季芊即季蓮芊姓也

荆楚名也夏有楚

狐父厥後鬻熊子者師臣西伯

世有鬻子書云文王初見鬻子年已九十王曰

老矣對曰君若以臣逐麋則老矣坐策國事臣年尚少史記及釋例云鬻熊子早卒繆乃其子事文王云成

王時熊氏畔乃復封子繹于荆居丹陽是為楚十七世

通祈周顯號事抑乃自稱之子貲遷郢及魏為秦詐留

子橫徙陳凡二十有五世而秦滅之

始皇楚名為秦郢意亦以莊襄王母

名改焉世家云  
以為楚郡失之  
後有荆氏楚氏熊氏附氏穴氏粥氏鬻

氏郢氏逞氏能氏叙氏序氏沮氏

能奴代反沮音叙古  
有楚老左趙孟家臣

楚其公族氏有成啟鬪囊賁善遂祿縣逮審側庇次連

算件昭由景到聲晏即園尹后竟秉宜繹酒保枝乘春

陽鈞甲環卯武莊霜雪蝟舉舉穿稱僕貴嚴徵庾奮賀

列監減韻

闕

卒度陳張李

凡七十二氏由  
余本出中國而

伍員後有孫氏秦有班民一避地為棲煩而度尚碑云  
度與熊同祖急就章有翠鴛鴦乃景翠之後列出列宗  
有禦寇風俗通云出古帝王列仙氏妾姓纂復姓又有  
列禦繆矣姓氏之出固多矣潘本畢公後又有出于楚

者故岳家風也詩云楚公族  
半姓之後潘崇子虺生黨也

其復氏則有鬪耆鬪乳鬪

穀鬪強鬪緡鬪文鬪班鬪比圍龜彌牟若敖叔敖堵敖  
邾敖越椒罷敵上官三閭五相五參諸將太宰公建良  
臣左尹右尹申叔申公楚季楚宗巫臣列宗子南子期  
子庚子西子建子午子重子季子乘子千子儀子木尹  
午無鈞無圉無宇無庸餘推涉其慶父襄老王孫成王  
黑肱舒堅來織沉織邑由利孫白男吉白屈南耆門市  
南伍參慶父嬰齊弃疾枝如伯比師初熊卒熊相倚相

辛廖接與季連季融仲雄大心凡八十二氏及籃旣箴

樂芋陵權莠清郊工連囂之十三尹

沈即寢屈南一作男仲雄潛夫作熊

非其氏于邑者有馮屈閻瓦堂棠為遂斬卷圜柘拳養

包椒包申苟穰蒙蕩麻白渦淖慎匡訾貲棘棗龍俞園

艾鑢苗聶蔓萬万利都主康

為與遂卷與園園堂與棠訾與貲皆同也棗出于棘

萬出于蔓匡出匡宰須句而李廷昌本姓麻張遼本姓聶皇朝始以匡為主政和制不得以主為姓乃為康姓書楚有鑢音去聲然攷楚自有鑢及鄧陵卜梁魯陽櫟陽苞丘吳丘何

丘軒丘商密愈豆英賢武安期思田公白公涇陽葉陽



之氏闕

為郴氏園公者

始秦博士避世商山闕

分非帝摯之世九  
發揮

犁亂時重犁失職堯于是復育重犁之後使復舊葉是

為羲和命羲仲宅嵎夷命羲叔宅南交和仲宅西和叔宅朔易和實為犁後為和

氏易見詳堯紀班彪于寶皆云司馬犁後是也世紀云羲和四子羲仲義叔和仲和叔分掌四岳王安石以

四岳為一人非也 商封之程有程氏司馬氏周宣王時程伯休父為宣王司馬掌

六師伐徐為氏西京雜記云司馬出史佚休父出史佚也異之祖又左傳荀氏支子邑程程鄭是程元及靈洗

是具程祈之譜談云風姓有喬孫程伯始啟士失之 史遷既刑作史記下及懿師

三世事魏遂移其社為晉四世弃洛南渡又十一傳而

劉宋滅之

西五十三年東一百四年沈約晉書造奇以元帝牛金之子應牛繼馬之讖鄴中學者王

邵宋孝王等辨之魏收深疾南幸收其短著之司馬叡傳和仲孫宗處清纒為纒和

氏左果毅誓狀云重黎誅共工堯命其子和中居春官代為岳牧和仲孫宗處代清素自守百姓號曰素和

子孫濮羅歸越賓滇麇麇芊蠻皆芊分也楚子取麇麇氏焉

以國其庶已而取之歸是夔賓是宗繹之適昆摯以疾

廢于夔亦併于楚

鄭語注摯乃繹元孫有疾自弃于夔子孫有功為夔子世家不紀有

夔氏歸氏賓氏宗氏

宗俱碑云四岳之裔宗均資世皆作宋非也羅熊析也

後亦入楚有羅氏羅侯氏

初國宜城後轉徙枝江  
衆周之東乃定長沙

滇祖

莊躄百濮芋蠻或竄或懷世不絕也有濮氏高氏

高氏句麗

後燕錄云慕容雲祖和高句麗之支云高陽氏之  
後故以高為氏為慕容寶養子後僭即復為高氏

越狗

芊姓是為南越越裳駱越甌越甌閩甌人且甌供人海

陽目深扶摧禽人蒼吾蠻揚揚越桂國西甌損子產里

海葵九菌稽余僕句比帶區吳所謂百越也

百僕亦自  
多種揚越

即揚粵是為蠻揚或作揚雱非也南海桂林象郡皆古  
南越之地並詳國名記中輿地志云東南南二越而諸儒

一之

有駱氏李氏

李嗣興  
本姓洛

帝之後又有蒙氏容氏孺氏

若氏雙氏玉氏項氏蟲氏隕氏凱氏重氏童氏龐氏檮

氏臨氏蒼氏蒼舒氏達氏叔達氏陸終氏淵氏聖氏

周大

夫有叔達為王恭曾孫孺興與陸終氏有惡又姓韻才子蒼舒諡淵八凱隕歆諡聖後為氏

彭祖氏

季連氏高陽氏商丘氏

贊曰

王子高陽精氣搖光通眉戴干是濟窮桑履時象天疏  
以知遠上緣黃帝通變不倦集威成紀悛愆自持內戒  
罍室外親客師惠寢萌生信沾翔泳乘彼結元范林何

堦

世無聖人亦無愚人非無愚人也務學從師則愚者  
聖非無聖人也違師背學則聖者愚矣乾之九二見  
龍在田此龍德而正中者也而孔子發之曰君子學  
以聚之問以辨之學問從師之始也三皇五帝固未  
有不自師以成者而獨異黃帝氏高陽氏之取師何  
如是之勵且博邪黃于諸臣風后力牧大填封鉅容  
藍岐伯若廣成甯封一切師之高陽之初師于淶圖

矣師于栢夷父矣師于大款矣師于赤民栢亮父矣  
不憚下風皇皇如有求而弗得何邪至道無所底失  
德不以聖唯學然後知不足堯為御舜為左而伯禹  
為之右入于夢而訪荷蓀涉于津而訊淵客聖亦豈  
必達哉一人之智固不若衆之愚也師者人之斗極  
也入人之家則以重人之家入人之國則以重人之  
國是故古之聖人世至治矣政無為矣民悉仰化而  
天下之和舉至矣猶且恐然常若獸盜之將至而將

不免者尚友親師常若不逮故德愈隆性愈徹世愈治而後世愈不及也孔子師於老僮師于萇弘師于孟蘇夔靖叔而老僮且師常樅是生知者焉不學然亦何常師之有神農師滛陰之老黃帝拜空桐之叟滛翁桐叟豈聖者邪炎黃之聖不自聖也唐虞夏后拜師稽古垂衣裳而天下治湯之于貸子相高宗之于甘盤文王之于錫疇子斯武王之于太公周公之于庶秀成王之于郭叔此其憲也晉文公之咎犯隨

會秦繆公之百里奚公孫枝楚莊之孫叔敖沈申巫  
闔閭之伍子胥文之儀句踐之范蠡大夫種若聖若  
賢莫不尊師而重學子張魯之鄙家顏涿梁父之大  
盜而學孔子段干木晉之大駟而學子夏高何縣子  
石國之大暴而學于子墨索盧參東方之鉅狡學于  
籀滑六人者刑僂死辱之徒也而為天下名士顯人  
王公從而師禮之以其壽盡則得之師與學者君人  
之所知也齊小白伯者也師于管仲而致其理齊人




有士叟也者小白執質請見之三而弗得嬖者曰叟也  
也膺臣君國之賤士也三往而弗得見其可已矣公  
曰烏是何言歟吾聞布韋之士不屑富貴不輕身于  
萬乘之君萬乘之君不事仁義不下禮于布韋之士  
夫子之不屑富貴則可矣謂不穀置仁義而可乎五  
反而遂見之天下之諸侯聞之爰胥師而賓焉于是  
九合諸侯不以兵車一匡天下則自一賤士始也詩  
曰有覺德行四國順之其小白之謂乎先朝講臣范

祖禹嘗為帝學八篇其槩曰三代八十四王歷年千九百三十以學見者禹湯高宗文武成王而已夏之啟與少康商之祖甲中宗祖乙盤庚周之康宣皆功業並於詩書非學不至漢唐之君則蓋有矣要之少學而無師夏癸商受昏德弃祀豈性不足與為善邪由不法先王不親賢不問學也祖禹之言其不可戒哉學者聖之資而師者道之原也是故曰說義必稱師聽從必盡力天子入學祭先聖則以齒嘗為臣者

弗臣所以尊師而敬學也學堯而堯學跖而跖途巷  
可以為禹而舜果人也由此語之治亂之分師不師  
學不學之一間爾郭隗之言中虺之戒其真有國者  
之龜鑑歟

渾天儀圖



朱紫陽曰渾天儀古必有其法遭秦而滅至漢武帝時洛下閎始經營之鮮于妄人又量度之至宣帝時耿壽昌始鑄銅而為之象宋錢樂為鑄銅作渾天儀衡長八尺孔徑一寸璣徑八尺圍周二丈五尺強轉而望之以知日月星辰之所在即璿璣玉衡之遺法也歷代以來其法漸密宋朝因之為儀三重其外曰六合儀以其上下四方于是可考故曰六合次其內曰三辰儀以其日月星辰于是可考故曰三辰儀其

最在內曰四遊儀以其南北東西無不周徧故曰四  
遊此其大畧也

路史卷十七

欽定四庫全書

路史卷十八

宋羅泌撰

後紀九

疏仡紀

高辛氏

帝嚳高辛氏姬姓

古史考云或云房姓妾也一云妘姓

曰嚳

一作佶集韻高辛號通作

嚳

一曰逡

見世紀一作俊山海經作俊言帝俊處甚多皆謂嚳郭景純皆以為舜謂舜俊聲相近失

所考矣

嚳之字曰亡斤黃帝氏之子曰玄枵之後也

世本黃



帝之曾孫漢志言顓帝蒼林昌意之子帝嚳青陽玄囂之子皆並二人而言繆亂如此外紀玄囂雷祖之子是

父僑極

大戴禮  
僑極

取陣豐氏曰哀

高堂隆北郊表曰  
握哀履巨跡是也

履大

跡而嚳生嚳方嚳之生握哀莫覺生而神異自言其名

遂以名

見大戴禮世紀故曹植贊及張顯析言云高  
辛氏初生自言其名其君氏終無迷繆也

方

頤龐覲珠庭仉齒戴干

河圖矩起及白虎通云帝偁駢  
齒上法日參秉度成紀以理陰

陽帝系亦云方頤駢齒元命苞云帝偁戴干是謂清明  
發節移度蓋像招搖注云干楯也招搖為天戈戈楯相

副戴之像見天中以為表干或作  
辛古辛作干干作干二字相似云

厥德神靈厥行祗肅

年十有五而佐高陽氏受封于辛為侯國

十道志襄邑  
有高辛城地

志云下邑梁國也今碭山縣下邑今隸南京帝系譜云  
帝偁年十五佐顓頊有功封為諸侯邑于高辛九域志  
有高辛  
城廟 高陽崩而嚳是立以木紀德色尚黑正朔服度

惟時之宜

十三月為正三正記云正朔三而改文質再而復禮記正義云夏以上以此推正朔皆三

而改矣鄭說三帛謂高陽氏用赤繒高辛以黑其餘諸侯用白繒以此却推舜以十一月為正尚赤堯以十二月尚白餘諸侯用白繒高辛以十一月尚黑故用黑繒高陽氏以十一月尚赤故云以赤繒少昊以十二月尚白又謂黃帝以十月尚黑神農以十一月尚赤女媧以十二月尚白伏羲而上未聞易言帝出乎震則當以伏羲為始後世如漢循秦用十月太初始用夏正魏景初之建丑唐載初之建子仁而威惠而信其色郁郁其德嶷嶷其動也時其服也士聰明濬武嶷

巖浹浹倪衣服而不駟冬輕以暝夏輕而清窶藪其屋  
室土事不文木事不飾以示民之節謂德莫高于博愛  
人政莫高于博利人故政莫大于信治莫大于仁吾慎  
此而已約身博施惟愛人利物是圖謂黃帝之言曰道  
若川水其出亡已其流亡止是以服人而不為仇分人  
而不為譎順天之義知民之急脩身而天下服故達于  
天下而不忘緣巧者之事行仁者之操上由黃帝之道  
而明之守高陽之庸而正之節仁之器以脩其財而身

專其美矣于是叙三辰以著衆厯日月而送迎之以順天之則謂寅賓出日寅餞納日魯語云侂能次序三辰以治厯明時教民稼穡以因民也命重為木正黎為火正該為金正脩及熙為水正句龍為土正是為五官分

職諸國封為上公社稷五祀是尊是奉

五官顯帝所命高辛從而任之

昭公十七年傳顯頊之下服注曰春官為木正夏官為火正秋官為金正冬官為水正中官為土正高辛因之此五人神而配五行之神者句芒祝融之徒乃五行之神名非重熙之徒雖非其名以其名以配食故亦得名之如社稷本五穀之神配食黎氏克官說天文卯下地者亦曰社稷所謂尊本也

火紀昭融而世賴之

賈逵云祝甚也融朗也

逮其繼世失遺其業

守乃命弟回嗣綏厥職昭顯天地之光以生柔嘉材爰

封之吳謹農祥乂歆祭故六氣正而天道平五正建而

人事理

春秋文耀鉤云高辛受命重黎說天文昭二十年傳蔡墨曰遂濟窮桑

顓頊所居然黎乃

顓頊之孫其世相及故鄭語謂黎為高辛氏火正堯典注謂高辛氏命重為南正司天黎為火正司地周禮疏序謂高辛與顓頊相繼無隔故重黎事顓頊又事高辛如稷契事堯又事舜也

乃闔閭塞履龍

斷委闕貸賑亡益恤遠人盍閭連墓使人相親故飲食

相與守望相助而疾病相扶持揖其民力更相為師因

其土宜以為民贖故生亡乏用而死亡傳尸貴賤賤貴

以通其器耕以自養而以其餘應于上故平

管子云應良天子耕以

云云工賈以通故闕夷而市平財亡鬱廢而愚亡不教修

其禮樂正其兵農故升降得以有數長幼得以有叙而

班白者不負戴矣粵命臺駘宣汾洮鄆大澤道演擊汰

而民離湍決之患帝用嘉之封之汾川以處太鹵封允

格賞帥味而下以蘇

允格封鄰

以日至設丘兆于南郊以祀

上帝日月星辰先王偕食絜其祭服備其帷帳陳之圭

幣薦之黑繒右社稷而左宗廟制其谿陵明鬼神而敬

祭為之數薦所以重本也

二儀實錄云帝  
始制帷帳

命咸黑典樂

為聲歌作九招制六列五瑩

樂緯及潛夫論等皆作六  
英竇革以六英為少昊樂

誤

享上帝以中瑩

即中  
英

命柞卜

柞卜呂氏傳世紀咸作  
倭世紀云譽命倭作鞞

先儒小鼓有柄曰  
鞞大鞞謂之鞞

作鞞鼓制琴箎壎箎祥金之鐘沉鳴

之磬伶人咸抃鳳皇天翟舞之以康帝功鼓奏以觀聲

歌奏以觀齎舞奏以觀禮禮以樂齎政是以成命曰九

招咸黑為頌以歌九招之就

劉勰文心雕龍云帝倭之  
世成累為頌咸黑見呂氏

春秋作成累字之誤也兔園策引呂氏春秋咸黑為九歌六英以康帝功樂緯黃帝曰咸池顓頊曰六莖帝偁六英堯大章舜大招湯大茂周曰酌是以清和上升天下白虎通云樂者所以象德表功而殊名也記曰顓頊樂曰六莖六莖言律厯以調陰陽著萬物也帝偁曰五韻言能調和五聲以養萬物調其英華也注志謂顓頊作六莖帝偁五英英

者英茂莖者根莖

羿以善射服事先王乃命司衡賜

以累矰彤弓萬矢

郭云累矰矢名以白羽為之大傳云白羽之矰是也或作矰非

羿是

以去下地之白難而民得以佚

白難兇頑為亂之人如封豕長蛇之類皆其號

名以故羿死託于宗布

鴻烈解云羿死託祀于宗布布祭名也說者以為夏之窮羿失

爾之夫窮羿非若蚩尤僅作兵器徒能僭叛為盜爾豈宜有祀按字書有羿云古之射人廣韻云羿古諸侯一云



射官而說文乃云羿佶時射官少康滅之則似以羿為之後世矣故世紀以為帝佶之世掌射加賜弓矢封之于鉏為帝司射歷唐及虞而賈遠云于是盡地之制受倍賜弓矢者羿之先祖皆失所攷

少昊高陽之經理卒創九州以統理下國正剛均賦以

調民人

水中之可居者曰州川有所擁也後世加水故共工幽州作州而蘇子遂云北喬水中非也九

州之制久矣伯禹作九賦爾而說者乃謂禹始分九州安也炎黃已九州矣通典等謂帝佶九州蓋皆定其疆理欲其支脉貫通得所瀾非叛之也非若後世率意割南益北斷手屬足而不預其地理者也 龠以仁

義持以信禮為亡為事亡事混美于下故卿而不理

管云

也 靜動而民罔不欽言而民罔不勸男有分女有歸壯有

用老有終涼風至而陳麾太白高而轉戰然後倔強惠  
命因其時而誨其民修其方而天下定守高陽之道而  
不務乎其前任智守數以道其常周聽廣莫以補其明

于是致學柏昭而師于赤松舟人授書于鍾山而拜師

于牧德

記言帝佶拜師牧德按四極明科謂九天真王于牧德之臺授佶以靈寶內文帝以道治世遂

秘之鍾山而太霄琅書謂靈寶秘文內符九天真王等以授帝佶藏之鍾山北河劍經則言王子詣鍾山授九化十變之書隱遯日月游行星辰其言難攷李膺紀青城有天皇受帝佶五符文于此山牧德之臺今在發

節移數順天思序以道御世秉度成紀行星辰遯日月

以從天地之固然故山不童而用贍澤不弊而養足不

出百里而求足

管子

舉星畢曳雲稍春乘馬而秋登龍黃

斧紼衣漑執中而獲天下

大戴禮云春夏乘馬秋冬乘龍龍馬八尺者充亂龍云古

者畜龍乘車駕龍故今畫之非也

法尚乎一而政貴乎信故下服度不

備待而得餼故民反累皇道炳燠萬流仰鏡牛馬之牧

不相反人民之俗不相知

管子侈靡

霜電所沾日月所監亡

不尊親地寶天瑞應誠而至于省方以齊民之物而

登封以報其政之成是以四海同風九州共貫天下歸

往而人以樂生都于亳殷亳殷卒其始國故號曰高辛

氏或謂河南偃師城西二十里乃鄉春氏之尸氏今睢陽治宋城之地秦再思云周封商後于宋太祖皇帝

初作鎮于此及有天下號大宋叶于皇考之諱又宋主大火而德復在火可謂符契今高辛陵廟去宋城三十

里是為王子者道書謂帝帝生三十而御天六十有三

載崩葬頓丘臺城陰野之秋山所謂頓丘臺也山在魏之頓丘

元和志頓丘西北三十五有秋山縣北三十有帝侂墓窆

字記秋山冢見存皇覽云在頓丘城南唐以仲春祀帝

侂于頓丘三年一享藏景錄及形神經云王子曾詣鍾山獲九化十變經一旦疾崩營冢渤海山即秋山也山

經九域志皆作狄云山陰今陵見存又云夏中衰有人發渤海山王子墓室中無有唯一劍在北寢上作龍鳴

數聲人不敢近蓋仙者言解法多以劍自代也後失所在云

四后

胃后則一為正三為妃論者以為四

妃並列妄故隨主欲立五后辛彥之曰后與天子亡體齊尊不宜有五而博士何安駿之謂借四妃舜二妃何

有常數不學之失

上妃有駘氏曰姜嫄

鄭玄云借立四妃以象后妃四星一明者為正

三小為次帝堯因之夫姜嫄既曰上妃則為后矣劉瑜疏古天子一娶九女姪娣有寢河圖授嗣正在九房以

此

清淨專一而好稼穡

列女

衣帝衣履帝敏居期而生弃

山海經云后稷生于巨迹列子因之太史公褚先生鄭康成記之是說也先諸詩而有也春秋元命苞曰姜嫄

游閔宮其地扶桑履大人迹而生稷又云蒼神精感姜嫄而生卦之得震故周蒼代商蒼神謂借木王者也論

衡曰嫄衣帝借之衣坐德帝所而妊故怪之詩言履帝武敏或問予曰歐永叔蘇明允洪駒父輩皆辨無是事

予曰神理所在居于恍惚汗漫之間氤氳通行蓋有難廢者今齊之章丘縣龍蟠山上有神迹祠焉皇覽云即姜嫄所履者亦見十道志及述征記伏琛齊地記宋濟南太守蕭承之立祠于山妻學履之是生齊帝亦見本史則列子之言未可遽非

弃惟元子披頤象亢

潛夫論云后稷披頤元命苞曰稷岐頤自

求是謂好農蓋象角亢戴土食穀注云面皮有土象頤面為下部下部為地巧于利也

弃之每異

嫄乃收之爰名曰弃而字之曰度辰

世本嫄為上妃天問稷維元子元妃

之子也真源賦云帝未立時有姜嫄履大迹而生男耻之三弃草野有異帝聞姜嫄有聖子乃詔為妃賜姓姬名曰弃名弃亦借蒔司徒少名弃赤而毛弃之恭姬之妾取以入而名弃韓郎伯奇生弃荆棘數日兵散乃收養之王充云或時禹稷之母欲妊適吞薏乙履迹邪古今好怪謂不見怪則亦不異爾

性敦而仁

戲惟稷黍

列女傳云性敦而仁簡狄教之時藝桑麻

長研耕稼為唐天官及

事虞夏以耕織為本教發菑糞土別五土之宜教民時

執嘉穀致貽有相之道

書刑德考云堯使稷為司馬文子云為大農師齊職儀文云堯

命羲叔為司馬夏官也虞夏以司馬為夏官弃居其職孔穎達云舜命羣官使禹宅百揆天官也契敷五教地官也伯夷秩宗春官也咎陶為士秋官也垂共工冬官也惟夏官不言命然上言禹遜于稷契帝曰汝后稷播時百穀不言命官明是稷為司馬夏官也故鄭詩箋云稷居稷官民賴其功後雖為司馬天下猶以后稷稱焉穎達不知后稷乃官也鄭氏昏禮謁文讚云稷為天官故齊職儀云弃授人時尊為天官則稷實天官又非司馬矣麥麩天降故云周有麥瑞后稷始貽民以麥種絳郡有稷山隨圖經云稷播種百穀于此實華云山西南

去安邑六十里唐之稷山今屬河中脩封疆為田順土造區迪民降岌而

後闕

云稷始為耨田以二耜為耩闕

一耨一夫三百耨而播種于闕

后稷天下之為烈也豈一手一足哉虞帝乃國

之釐號后稷

與台卽同一作駘昔景王使詹桓賁晉曰我自后稷駘蒟岐畢吾西土也注武功卽

城是十三州志云古文作台然稷之母有駘氏傳皆作釐其地在齊世不知也勵百穀而山死

山海經云后稷死于黑水之山國語展禽之言世紀云死于黑水潢渚之野五行書云以癸巳日死取姑

人是生釐蠱世濟其德釐蠱生叔均是代其父及稷播



穀是為田祖自商以來祀之

五行書云田祖以甲寅日生田主以乙巳日死辛亥

葬大司徒注云田主田神后土及田正之神所依疏弁為堯稷官立稼穡死配稷名為田正詩人謂之田祖籥師注云田祖謂神農以神農為造田之祖而后稷亦有田功故傳謂有事于尊可以及卑祭田祖則后稷田正后土亦在焉然此經言叔均為田祖則自是一人知其仍田者衆不得指云神農后稷先嗇司嗇田祖當別人也

世為后稷及夏之衰有不窋者失其官守竄居于尉

李

不窋非稷之子乃夏末時人國語云不窋事虞夏非也而史記本世紀遂以為稷所生妄也有辨見發揮

尉李即春秋義渠之地成相篇砥石是也今慶州有不窋城

生鞠是為鞠陶生公劉

公劉能脩后稷之業民保歸焉周道由興生慶節始國

于邠生皇僕皇僕生弗差弗差生偽隃偽隃生公非公  
非生辟方辟方生高圉高圉能帥稷者周人報焉生侯  
牟侯牟生亞圉亞圉卒弟雲都立生叔組紺是為祖類

祖類生諸盭是為泰公生亶父是為古公泰王

不密周家之世

最為繆亂世本云公非辟方高圉侯牟亞圉雲都祖紺諸盭太公如此而已班氏表乃云辟方公非子高圉辟方子夷咎高圉子雲都亞圉弟其世顯甚然史記乃無辟方侯牟雲都諸盭故皇甫謐遂以高公非高圉亞圉祖紺之字吾知其牽于單穆公之言而合之也故遂詳之釋例亦云高圉僕密九世孫而索隱謂辟方侯牟皆二人為得之侯牟或作夷岐偽隃即毀隃祖紺即公叔祖類人表曰公祖世表曰叔類也避熏育居

岐陽實始剪商復取于駘曰泰姜生泰伯仲雍季歷季

歷居程

見周書  
世紀

古公屬焉泰伯闢知及弟仲雍竄于荆

曼居梅里荆人義而君之號勾吳古公薨計于近郊而

還于番離

亦稱越梅里在盍閭城北五  
十里世本云孰哉居番離

伯卒仲繼剪髮

文身羸以為俗是謂孰哉虞仲

史記謂泰伯斷髮文身  
非也乃仲雍也左傳及

潛夫論詳之王充亦云太伯教吳冠帶孰哉隨其俗而  
與之俱倮也故吳之知禮義太伯改之也此與左氏端  
委以治周禮仲雍嗣之斷髮文身陸氏吳  
地記雍冢在常熟虞山上與言偃冢並

武王封其曾

孫仲于夏虛為西吳亦曰虞仲十二世而晉滅之仲支

孫卿于周封樊為樊氏樊仲氏卿氏皮氏虞氏方紉于

氏

僖五年滅虞定五年于越入吳

虞滅吳始大二十四世而越滅之有

燭庸厥由常壽夫餘鳧史胥門慶忌慶師公冶公祖公

劉泰伯漆雕

以上復姓

及夢餘句壽延番夫槩冶延闔扈逸

常開周古蠹禽頗之氏其以邑氏者偃州州來延陵棠

谿堂溪唐谿郁閭及郁鄭或柯之氏

潛夫論又有成氏梁氏公氏延出延

陵與州來為二姓纂又有延州氏誤

越滅吳流其三子長曰鴻流婺源葬

焉

寰宇記婺源西七十五村葬處名吳山

倭郟無錫皆吳分也

周處云武王追封周

欽定四庫全書

路史

十一

章于吳乃封章之子越于無錫魏畧云倭王自稱太伯後季歷再世而興周即王季

子思云帝乙時王季以九命作伯文王因之小戎菑云帝乙命王季為西伯又命文王典治南國

史記紂以西伯為三公賜之弓矢鈇鉞得專征伐又再世康王一晏朝而暴公

作關雎之詩以諷史遷云周道衰詩人本之衽席而關雎作幽厲之闕始于衽席故曰關雎

之亂以為風始齊魯韓三家則云康王政衰詩也揚雄亦云周康之時闕雎作乎上陸云康王晚朝闕雎作刺

也又再世穆王耄荒訓夏贖刑而書不續又再世懿盆

衰詩人遂刺又五世幽王不道死于驪山之下申侯立

平王而東遷黍離遂作世謂孔子降王風妄也夫風者風土之歌耳黍離自是東周之

土風東遷之後政僅施于圻內不能刑于四方故國人隨其土風如此非謂降也若以黍離為降則七月何為列于風邪且雅亦有東周之詩世不知爾節南山十月之交乃桓莊之詩亦可謂降雅乎曰王風者春秋書王之意也然新序又以為衛宣公之子壽閔其兄伋而作韓詩及曹植惡鳥論以為伯封作學者宜勿妄談王

政陵遲至魯惠公遂請郊廟之禮未與而顧用之于是禮樂征伐不由于天子故孔子傷之而春秋作又十三世而敬王丐立子朝之難遂止成周三十有八年有星孛于東方明年而西狩獲麟聖人于是絕筆春秋而書亦終于秦誓吾知秦之必蹶周也故十一世王然而周

卒亡秦卒有天下於呼

王者之迹熄而詩亡詩亡而後春秋作詩亡謂孔子時說者云

詩亡于陳靈公謬哉靈公之殺乃魯宣之十年春秋之作百二十一年矣絕筆獲麟有二論見發揮四

贊曰

帝俊高辛厥德神靈生而有異自言其名其色郁郁倪  
衣薶屋次序三辰六畜遮育工賈以通拜師牧德樂作  
五瑩鳳皇天翟法尚乎一政貴乎信霜電所沾孰不尊  
親

路史卷十八

欽定四庫全書

路史卷十九

宋 羅泌 撰

後紀十

疏侂紀

高辛紀下

周之初興大封同姓五十有三國而文武之胙又三十  
有二管蔡成霍魯衛毛駟告讎曹滕畢原豐荀文之昭  
也亏晉應韓寒狄武之穆也而凡蔣邢茅之與胙祭則



周公之裔也

伯益考之父已亡管叔誅周公為禍也

名號燕陽閭錙邠鎬

方印息隨彤單縱甯梁項岑野滑養盛極鞏穀謝郭密

榮丹陽楊逢觚藥甘鱗主頓鼓肥宮遂冥麗暴載岐費

紀胡康萇解張隗蘭運冀潘龐馮沈賈鄭睽芮魏焦樊

巴周徐橋北燕鮮虞陽樊皆姬國也

七十九國如召祭閭原畢劉等猶是

商世所封餘乃後之分封者

文之昭十有六而泰之生者十

詳譜圖

文

公采于周

在扶風武功

成王封其子伯禽于魯三十有四世

而楚滅之

洛誥云予小子其退即辟于周命公後周公留相周成王封其子于魯明矣陶潛作諸侯

孝傳以為武王封之于魯誤也伏云周公致政封魯老  
于周心不敢遠成王欲事文武之廟公疾曰吾死必葬  
成周示天下臣于成王及死成王葬之畢而云示天下  
不敢臣故公封于魯身未嘗居魯而說者更以為成王  
以公有勲勞于天下賜以天子禮樂妄矣有辨說見發揮

後有有螭臧會臧文臧孫

公山武仲南宮惠叔叔仲仲顏仲叔公孫東門子家子

叔子服子我子言子翬子于子成子寤子孟子駒子有

子士子華子陽子揚公施公襄公冉公為公思公石公

之公析公巫公父公伯公慎公索公肩公良公哀公若

公冶公輸公鉏公儀少施慶父富父賓牟意如仲梁仲

顏孟仲叔季之四孫

子陽公族子陽後子楊出季桓世本無子陽公孫公鉏公冶二子傳

皆曰伯

及聲意南懿陘般僖榮禽于賜湣閔騫哀隱悼引

毗彌展施衡為穆作昨媯尾鞠翹孟仲叔季之氏

叔出叔盼

甚明姓纂出叔達又云叔向繆矣風俗通哀出哀公吳有隱蕃云隱公後鞠氏伯禽後與鞠見王禹偁集云本

出于

其以邑氏者臧衆邾秦運鄆管柳厚郈顏即費蔑

魯

孝公子彊采于臧展禽采于柳孝公八世廢采厚曰厚成叔與郈通姓苑有厚丘費乏碑云季文封費為

氏懿公孫費伯城即居之顏乃齊靈公妃顏懿姬者

及柳下瑕丘厚丘梁其穀梁

梁其伯禽庶子見英賢錄

逮項公孫足守秦符璽又為符氏

潛夫論魯又有

乙華向  
非也

周公使管叔監郭與蔡其郭間王室周公蔡蔡

而辟管爰代以中旄父管故不嗣

周書管叔霍叔經死囚  
蔡叔杜預訓蔡為放二

蔡管叔初亦為蔡故  
云文王惠慈二蔡

後有禽氏管氏敬仲相齊公伯卒

于齊其耳孫脩適楚為陰大夫漢始南陽世奉仲祭號

相君有陰氏陰嵩又為丘自陵氏

後周書賜陰嵩至隨  
複姓君子曰管氏之

世祀也宜哉釋例以管叔為  
周公後管仲為穆王後皆非

蔡叔既蔡于郭凌子胡改

行帥德周公使為魯卿魯治乃復之王邦之蔡澤是為

蔡仲子蔡伯生宮侯至平侯徙新蔡益微每賦役于楚

遷之州來

故州來為下蔡

二十四世而楚滅之

齊世家云周公舉胡為魯卿士

治言于成王復封蔡書疏辨之孔晁云郭凌地方

有蔡氏辰氏盱氏朝氏歸生

氏生氏太史氏蔡仲氏子履氏大利稽氏

後周書賜蔡裕姓一作蔡

總

曹叔甸伯二十六世而宋滅之

哀八年宋景

有曹氏羈氏

僖氏釐氏子臧氏射姑氏夕姑氏公彊氏其支于卞者

為卞氏欣氏于牟者為曹牟氏重丘氏子臧氏

欣時字子臧先

賢傳有曹牟君卿

曹操勵漢而有魏五世劫于典午

非高陽後曹氏見魏

武自作家傳

成伯子爵後附于齊還奔魯而滅于楚

成十三年之成

子成肅公也肅公恒公皆為卿按成即邲文王之子不  
詳名寔字記引史記武封母弟季載于邲按管世家季  
載封冉又云後世  
無所見非成也  
有成氏邲氏上成氏邲氏肅氏

戰國邲午

仕趙始為成氏然周魯皆有成邑云

霍處以祿父降而經至永公滅而奔

齊晉旱卜之在岳于是復霍而登旌滅于晉有霍氏冠

軍氏霍氏

閔二年與耿魏俱滅

叔封司寇采康及成王降霍以商

餘地封之統三監為孟侯

宋咸云長也若云方伯康告云朕弟小子封以為成王知

周康告

曰衛伯

周書謂之殷

八世頃侯始侯孫和桓厲宣九十

猶戒于國所謂睿聖武公者五子懿公殺公于狄宋立

戴公狄載至徙楚丘子成公遂遷昆吾凡三十有五世

而衛亡

秦二世時衛封滅不見經

有小王成公公上趙陽羌師辟閭

析龜北宮強梁會序羌憲祝固祝國祝史史晁史朝史

桑太叔卷子南公世叔仲叔石駘石伯公叔子叔公明

公孟公孫子高公析公甫公荆公文子文子伯子玉子

郢子強子季子齊夏戊夏丁將軍右宰司馬司寇及左

右之公子

黃為司馬

與石聶彌承禮免勉左右伋壽南晁蒯

輒頑衍林凌稷牧冷嗣眷兼孫孟弘洪璧辟憲孺黔渠

朝世監寇鉞文齊開彪孔之氏

弘唐改為洪晁錯史作朝又作鼂孔達非宋出

孟亦與魯異如衛經雖嘗為縣長張氏之後以禁異姓復為衛不著

其懸氏懸潘氏求氏

仇氏裘氏

纂非刀裘也

康氏衛氏戚氏倭氏濮陽氏元氏元

咍氏常氏商氏凌氏

因采者也武公孫耳采于戚後為孫氏一作倭集韻倭邑姓音簇凌

即凌人商乃鞅封仇見世本裘之轉

陶叔授民為陶叔氏司徒氏

司徒定四年非

宋司徒

武公生季釁采于甯九世居鄉為甯氏

周威王師甯越齊威

師甯戚

孫權啟吳四世而歸于晉又有厲氏

皓以秀奔魏改為厲氏

春秋之時惟魯衛希王政武王克商以毛叔鄭從

史記武王



克商尚父牽牲毛叔鄭奉明水劉原父得毛伯  
敦疑為鄭穆王時有毛班郭以為毛伯衛之先成王以

鄭為三公有毛氏毛伯氏

毛庶氏也有衛過得三毛伯世采

武王之封

母弟也惟季載少使食于沈成王立為司空爰封之冉

曰冉季是為邠駟有冉氏邠氏隕氏駟氏

冉即邠見國語冉耕冉會

姓纂出叔山冉妄傳多作冊尤繆春秋尹氏訟冊啟鬪

章因鄭聃伯亦皆作耽太史公聃作冉或以為借不知

其誤今亦或駟乃冊厖國故雲安冉本巴東蠻不可不

辨然記皆謂季載封沈唐沈氏表云季載字子揖封沈

按成八年晉獲沈子揖豈季載哉疑沈

又耽之訛不然或聲之轉餘詳少昊紀

告分南北南後

入晉北入宋有告氏郚氏

國姓之字古少從邑其從邑者皆出後世朱曾之類反謂

後世去邑妄矣 雝伯入周後有雝氏邕氏音擁又于用切與叔

繡居錯文公侯之滕三十有一世齊滅之嘗一貶子尋復世本云錯

叔繡封滕漢志 有滕氏滕氏騰氏卜氏滕叔氏公丘氏以為懿王子誤

錯氏姓苑宋大宰錯君又有錯並去聲姓纂云溫泉多此姓 文公薨畢公高入職

焉姓書文王少子 子季孫邑潘既復分龐裔孫畢萬事晉獻公

滅魏而封之十世而斯始命文侯師子夏子方 惠徙大梁又

八世虜于秦始皇二十二年 有畢魏藩番龐呂獻豫芮垣新王

呂出魏犇子錡王氏出信陵君孫卑子望京兆 及魏強

山陽番同潘係見食志豫讓畢陽孫見國事

伯夏曼多令狐宇文新垣葉大夫之氏

陳留傳新垣行居大梁虛為梁

垣氏潘後又周令狐整為御正賜姓宇文曾孫元超唐復之德荼楚絢系也

華侯采馮城為

馮氏有北燕

畢後采馮亭春秋有馮簡子杜云歸姓然無致後漢馮魴亦云魏之支別采馮城東

觀記魏之別封曰華侯華侯孫長卿食采馮城馮城為氏信都馮和孫跋為北燕十一年

武伐紂原

公把小鉞原莊公後亡有原氏佼氏原仲氏原伯氏跪

氏

姓書陳大夫原仲後英賢傳原伯氏紱之然後原貫在紱前已百年鄭有原繁與原仲所謂南方之原也

荀侯諸侯之伯晉滅之為公族後逝教為荀氏郇氏旬

氏孫氏孫伯氏夙氏程氏中行氏伯宗氏籍氏席氏投

氏投壺氏

風俗通云中行穆子後  
姓纂引世本為仲行

孫息食知為知氏智

氏

孫息後為三族一公族逝教生林父為中行將謂荀  
中行氏一林父弟首邑于知為荀智氏一逝教曾孫

歡食邑程為荀程氏

後漢荀恁一作郇智果諫諛不從乃別族于太史為

輔氏

汲古文晉武公滅荀以賜大夫原氏世族譜荀  
侯荀姓魏正平有荀城故或以為鄭地之荀

豐

侯坐酒亡國以故負罌于首以為式

俎豆中有豐即鄉  
飲禮中豐侯也都

斲一木為之象豆而卑一同坫爵射禮置罰豐西塔下  
音訓謂豐國君以酒亡國故以為罰爵之名三禮圖云  
射為罰爵之豐作人形豐國名其君以酒亡國戴孟以  
戒酒故崔駟酒箴云豐侯沈酒荷罌負缶自僂于世  
畷形戒後李尤銘曰豐侯荒繆醉  
亂迷逸乃象其形為禮戒式也後有豐氏鄆氏  
出鄭多  
仕鄭姓

纂第十七武之穆四于邗為長先是唐有禍成王以封子干

子夔父而謂晉十一世文侯勤周受錫予昭侯立其弟

于曲沃五世而曲沃滅晉君之五世文公遂霸諸侯又

十六世而析徙端氏曲沃武公滅晉周命為晉君有晉進戊恭整舅

咎羊甲獻射席籍陽樂司籍或以籍席出于荀及士貞樓季太戊叔

魚叔向叔夙季夙季嬰楊食食我凡閭伯宗伯州公仇

公師弗忌曰季子羽之氏叔向叔夙見世本公師成師後見辨證凡閭見賈執英賢

傳及韻姓纂云子羽晉公族復為楚邑大夫然鄭衛皆有行人子羽韓起庶子亦曰子羽云其以采

者絺卻步涉畜卻白儻苦冀解張楊陽端續温祁鄔羊

介翼孟駒州藥及揚干銅鞮羊舌祈夜長魚五鹿東闕

邾州

晉既分乃封其君于端氏

其苦成庫成古成車成出于苦

晉校尉車

成將

藥書下軍及嘉若藥出于藥

靖侯孫實采藥

隄蹄鞮鮭出

于銅鞮

共六姓澄城鮭縣有鮭姓自云鞮氏避事改之鞮纂文音隄

隄分于卻郝出

于絺自步居温則為步温

卻至采温

由祈易續則為續祈

孤鞠

居采續為氏

先軫封原

胥臣為原大夫次卿也故先穀曰原穀繼于羸

且居徙霍為

霍伯有先氏左行氏

國語且居蒲城伯後受霍為霍伯

康王以虞之幼

子公明為賈伯曲沃滅之有賈氏右行氏賈孫氏以封

公族狐射姑即賈季姓苑出公生伯僑封揚曰揚氏揚

以賈孫出王孫賈者妄孫氏秦大夫揚孫為穆公戍鄭密雄其出也出公游齊

封于而溫則狄滅之僖十一溫子或為狐氏世本有大

氏溱為大狐氏射姑為小狐氏大狐容即大戎氏云唐

叔子孫在者然狐本重耳外祖狐突郤陽狐皆采溫故

後以狐為溫出蓋韓武庶子幽世失國宣王中興韓討

不庭錫之梁山奄受北國是為韓西衛滿伐之而鄆于

海韓侯為燕師所滅宣王錫曲沃并晉有韓萬為戎御

之外紀云平王時晉滅之

復采韓原至景侯始命凡二十有四世秦滅之

萬唐叔十一世

孫預以為出曲沃故或以為成師之子俱妄

有韓何橫俠墨言賈褐李呂

賈謚

韓壽子隨外家姓至後充復詔所謂以恩繼情者李嗣昭本姓韓又周賜韓褒侯呂陵氏後為呂氏

及韓

侯無忌公族韓褐韓籍韓嬰韓信信都之氏

籍嬰信三韓見姓纂

韓褐見英賢錄公族乃厥子無忌曰公族穆子

厥之玄康采趙蘭為蘭氏哀侯

少子姑采平為平氏姑氏張氏灌氏

良五世相韓佐漢灌夫父張孟幸于

灌嬰信之後又有韓餘氏

信敗于參合後亡入匈奴景帝時子頽當赤來降餘匈奴

中為韓

于之後有于氏邗氏孟氏

晉有孟蒗孟大夫也唐邗之孟縣而邗則



在懷州蓋

分封者 万紐于氏

東海于公喬孫隨拓跋隣徙代為万紐于氏至孝文復為于外都大

官新安公栗磾六世謹

從孝文入關始籍長安應侯次四晉滅之有應氏深氏

韓詩云成王戲弟以桐葉圭封之周公曰天子無戲言請封之王應聲而封曰應侯呂春秋則以為封叔虞

狄子寒侯偕武穆也後各為氏

唐表云成王封母弟孝伯于狄城為狄氏孔子

弟子有狄黑廣韻云春秋狄國之後漢有博士寒朗乃武王子寒侯後而游俠傳寒孺乃以為出后寒姓書以韓寒聲變則非也然朗說為姓寒 周公之祚七長魯禽父次凡伯為凡

氏邠氏汜氏次伯齡封蔣男爵後以功侯二十二世併

于楚有將氏定氏次靖淵封邢侯爵滅于衛有邢氏陘

氏傳二十五年玉篇作邢輕干切非是乃金邢丘正音形次祭事文王受商之命

祭叔為卿士祭公事穆王祭伯襲國有祭氏謀氏訾氏祭公氏姓苑云祭氏以不祥

改為訾音紫祭公氏見姓解次昨次茅昨入南燕有昨氏作氏姓纂茅

有茅氏茆氏茆本立絞切俗以為茅若夫周隸之國則伯鹵之孫

仲奕武王封之閻晉滅之有閻氏奕氏大野氏一云昭王少子

生手有文曰閻康王封之閻城一云唐叔後成公子懿采于閻晉滅之俱非晉滅之以賜公子懿爾周書閻慶

賜大野氏至隋復唐姓錄以仲奕為太伯之曾孫亦非號仲號叔文王敬友二卿

國語亦母弟也馬融云叔同母仲異母仲曰西虢後遷上陽為南虢而留

者為小虢虢晉滅之

東虢滅在春秋前西虢下陽滅在僖五年小虢滅在莊七年

叔

為東虢

亦曰郭叔見王會解郭輔碑云王季中子文王卿士采于虢武王錫封後世謂之郭

平王

奪其地與鄭楚莊責王乃求其裔孫叙封之陽曲曰郭

公晉滅之有虢氏郭氏制氏若上陽夏陽西郭南郭南

伯之氏

又李子和本郭氏賜

留康公卿後有留氏劉氏康氏官師

氏師氏帥氏

鎡後世作劉晉師曷以晉諱為帥氏

文王之異弟輝之子渠

封岑為岑氏

唐表作耀武王封之

亦有王氏虔仁氏鉗耳氏箝耳

氏虔仁氏仁氏此王季之穆也

王氏望馮翊狀云王季第四子虔仁居湟水西

羌音訛為鉗耳隨改為王氏唐有王宗按隨九門令鉗耳君徹頌云朝邑人王子晉後避地西戎以地為姓今廢天德軍牟那山有鉗耳菑故英賢傳云鉗耳本胡姓然以為子晉後則非矣成王侯次子于

翟為翟氏姓纂云少子非又封其支于彤為彤伯宗伯是為彤

氏廣韻又封幼子臻于單單世卿為甸侯有單氏靖氏

單伯氏旗氏柯陵會單襄公卿士單朝也與魯之單伯異昭王子成公男後

有成公氏李利涉編古命氏成公生與李斯男由同時遂不仕宣王封庶弟友于

咸林曰鄭一作械林襄八注鄭子國為司徒死戎難子武公以夾輔

賜虢鄆十邑徙拾爵伯二十有二世韓滅之厲公居櫟文公徙新

鄭漢侯成碑云文王之後

封鄭鄭共仲賜氏曰侯非有鄭蘭語京將良孤尉具司

髡燭禪評堵泄洩羽渾然游遊駟國渝俞喻

軍

會雅邃

繡罕豐賸欹僑參販薑薑印頡梧儵皇蟠佚衛

五十姓游望廣

平遊望馮翊禪通作評渝通作喻蟠固出子蟠衛青乃

鄭季孽子穆公十一子子然子二子孔三族亡子羽非

卿存者罕駟豐印及田章封具羌憲彊梁趙陽史龜去

疾大季公文公德共叔世叔大叔子人子强子駟子罕

子孔子皙子國子游子寬子然子羽子軒子革子旗伯

有馬師東里行人西門西宮京城俟伏賀吐之氏

凡三十六

子旗豐施之字子人穆公弟語字呂春秋鄭大夫公息房而世叔討論乃子太叔游吉西宮則鄭執政所居苑纂未詳侯植從魏孝政西遷賜侯佚氏又賜賀吐氏姓纂引世本云宋司城子革又云季平子支孫為子革氏按二國無子革乃七穆子然之子丹之字奔楚爾子皙一云楚出亦非

宣之子三一尚父

為楊侯

地紀熊渠伐之一

一食陸卿曰陸侯

陸氏譜宣王支子

一封謝丘

為謝丘氏

見盟會圖云皆幽王封人表有謝丘章

平之子三長曰精封縱

為縱氏精縱氏

見英賢錄

次曰唐封梁山為梁伯

千姓編云平王少子

唐少曰秀封汝川謂之周十九世併于秦為周氏

併其地為

汝南郡烈繼文昇興晏安宏明隱壽容休雄揮寬員成邕十九世邕生秀秀生仁漢興復封汝墳侯周仁也號

正公或云赦出非長安沛二望赦後楊侯曾孫失國平王以賜晉封叔盼

後氏為楊洎堅為三世而為唐有臯氏屋引氏越勒氏

普六茹氏

煬誅元感賜臯氏周賜楊紹厓引氏一為君口引氏楊忠為普六茹又為普陋如楊粵為

越勒並至隋而復

惠之子帶封甘曰昭公子成公世官王所有

甘氏甘士氏甘先氏甘莊氏染女氏鑿氏

即叔帶甘先甘氏姓染見

苑姓

頃之孫武強滿為武強氏姬氏周氏

唐以諱改姬氏周望長安簡

之子儋季為儋氏

子括

景之孫封陽樊後宅無終為公翁

陽氏陽氏陽樊氏無終氏

陽氏譜云春秋末宅無終因陽樊而易氏仙傳拾遺陽翁

伯適北燕葬父無終山為右北亭人天祚玉田事亦見于寶記范通燕書云後有雍于無終山獲玉是也名世以陽氏為敬之子封郵為郵氏靈王之太子超古幼有景王少子

成德以諫廢年十八而賓是為晉

字子晉或云名晉一云謚或云字子喬坤

監云字開山俱妾

子宗敬為司徒號王子家平陽為王子氏田

氏緱氏王人氏王氏李氏拓至氏可頻氏乙速孤氏王

琅瑯祁諸房皆出子晉可譜者以多仕齊周書王秉王興並賜拓至氏王雄太原人貞觀志西魏賜為可頻太原王顯後魏賜為乙名康公願封燕名爽乃實字世紀速孤遂為醴泉人

子而富辰所言無名乃以郇為名蓋以下泉言郇伯而黍苗言名伯爾非也傳言公封燕九世惠侯始就國亦



妄  
康王復為太保年百有八十其長居燕而支襲召召

世為伯王安石云元子既國燕次子守者猶食卻也有召氏邵氏召伯氏東

陵氏傳又有爽氏盛氏非也其分于唐者為陽伯齊滅之昭十二年齊高

偃納北燕伯于陽左云伯欵迫逐遷之然本曰唐即閔二年滅者是也北燕歸國不達于

革凡四十有三世秦滅之始皇三十二年太史公曰燕之社稷

血食者九百年于姬姓獨後亡抑召伯不鄙其民有亡

執之德也後有燕喜攸繆釐噲快噲之氏秦已卯年亡喻本音快

盛伯子姬姓之長降于齊有盛氏痛氏穆天子盛姬國春秋書成公羊

云盛也韻譜姓纂云先姓奭後改為盛蓋以漢元諱意其字曰盛而召公之名字皆為奭也盛姬卒王改其族為痛氏急就章有痛無忌

康公鞏伯甘單公暴公詹伯家父巷伯方叔邛叔世卿

家後各為氏又有尹公氏竒氏榮叔氏南宮氏榮伯氏

芳氏

竒出尹芳出方伯與大夫有瑕禽服辛世本暴辛公作塤宋云平王諸侯樂書平王時人風俗通諸

侯也賈芮等伯非爵芮為司徒寗宇記封芮為附庸妄

齊侯滅穀秦穆滅滑楚文

滅息晉文滅巴魯滅項

巴楚昭妾巴姬國與風姓巴別輿地廣記云武王封商姓為巴

子七國時與蜀俱稱王張儀虜之為巴郡

有穀氏滑氏滑伯氏

英賢傳

息氏息

夫氏

風俗通

巴氏通氏

春秋

項氏劉氏辛氏

羽敗並賜姓劉項伯封射

陽侯與桃侯襄平皋侯佗及先武侯皆為劉後周賜項亶為辛氏

召公甫周西伯夫人

紹兩交龍不樂遂娠生子有文在手曰盛因名氏之年

十有八封之譙侯晉武公滅譙有之為譙氏焦氏

李利涉盛

氏譜孔至之說同以為譙侯因為望其地譙國焦縣

漢東之國隨為大楚滅之有

隨氏少師氏

世本楚滅

鱗宋滅之宮虞滅之紀遂齊滅之岐

鄔周廢之養頓徐胡入于楚肥鼓魏焦入于晉

鮪則麗屈

于秦而鮮虞則在狄極入于無駭而隗丹睽載逢冀冥

主亦衰除矣後各以國令氏

甘麟主逢厥樂等見潛夫諸論載姬姓見風俗通

考王封弟褐河南曰東桓公至孫惠公傑分其子姓于

鞏以奉王曰西惠公號二周赧王之立二周分理四十

九年秦取西周遷東惠之孫咎公于黽狐王崩秦昭取

西王稽

次年

七年秦莊襄取東西周地而以賜人聚為周

君祀

東周後有咎公西後有昭文君西周王城東洛陽也史遷于此極為紊亂二周封滅歲月俱不能詳

蓋時二周微甚紀錄茂載二周比亡才七縣譜云秦不絕其祀以陽人地賜周君使奉祭祀于周亦未深媿矣

輿地廣記徙西周君子黽徙東周君子陽人聚誤矣應二周以來詳見譜圖

中山武公東桓

公子也厥後桓公荒淫不恤國王問晉史餘曰今諸侯

孰先亡對曰中山乎二年而魏拔之處之靈壽

烈王十二年國

世本中山武公居願桓公徙靈壽按樂羊為魏拔中山封之靈壽史言趙武靈以惠文三年滅中山遷其君于

膚施是也漢于此置靈壽縣

執副輿嗇种稷賓校顯黨惠偏公富大

泰亞辟組驪治聚治鞠鞠儋技支宰忌舞蝮

三十二宰忌周公後

幽王內史聚子乾封元年改武惟良為蝮氏風俗通文出父王隱公時有武氏子唐書平王世子手文曰武為

武氏

及王孫王叔王子賈孫王史內史公祖叔服太伯

黑肱黑肩西周武強司空陳留之氏皆周枿也

武公世子稱西

周氏共王子圍後為王史氏鄭有王子氏齊衛吳皆有  
王孫氏俱出周王惟楚王孫出伍員英賢傳陳留姬姓

國因漢封之衛唐表云封周仁攷之非文帝時有周仁  
為氏無封也元鼎四年武帝至河南求周後

得姬嘉以三十里封為周一作東  
子南君光武復封子衛次妃有娥氏曰簡狄  
一作東

易也于寶作索倓繆書中侯云玄鳥翔水遺卵娥簡易  
拾吞生契封商後萌水易注云易疑洛娥簡在水中浴

而吞卵生契後人當天應嘉乃以水易為湯呂春秋娥  
氏二佚喬為九成之臺飲食必鼓帝令燕視之鳴謚隘

謚隘二女爭搏之覆以玉匡遺卵北飛二女作歌云云  
故史有行浴遺卵之說列女傳曰姊妹浴于玄丘之水

即晉丘之水今浚儀清丘一曰玄池寰宇記簡狄浴  
于晉丘之水云云即此水然湯自從易不從易也仁

而有禮飲食必鼓感乙致胎乙燕也特男子之祥感遇  
生子非必吞卵歷代遂于

禘壇立卵石故東哲議禘壇有石以為吞卵之象經無文乞除之張掖記謂所感在縣界雞頭山之黑水云簡狄所浴重丘之水

鬴而生鬴

于寶云前志所謂修已背坵而生禹簡狄曾剖而生

也去俗都遠矣

契

古作鬴從奴蟲也

聰明而仁堯命司徒使布

五教而民輯及虞不廢是以受商賜姓子氏商人謂之

玄王

所封乃華陰鄭縣有藥都城故潘邑也世本謂契居蕃是矣中侯握河紀云弃契皆堯封長發箋云

堯小封舜末年益為大妄也

子昭明居砥石

世本復遷商

生相土克承商

業始居商丘出長諸侯威武烈烈至孫冥為司空世事

虞夏十有二世而湯遂興傳二十有八王國幾亡者五

而紂遂失天下姬武王居之乃封其子武庚于邶

借即邶衛

地邶叛周公攝伐殺之更求帝乙之元子魏子啟邦之

宋戶東夏為周客

魏即微紂之母兄母末後生之商法不得立故成王曰殷王元子而樂記

左氏史記云武封之妾也微圻內國古胄子雖遷爵而班爵不及故者以故官稱故二微為宋公猶以微之號

終三十有二世君偃不道齊魏楚戮而三析之

偃諡康見呂覽

國有幾微衍尾沃據卿穆止舍近宋邶鄆荀石母戚懷

事既椒督沙猛政正桓完牛牢遼察虞華而還狂白朱耦

鄆邶邊坎冀仲罔靈祿虺勃聖省牽伉錯銳允左宗正



所六十四又有楚疋並音所錯音措牛金後為牢又為遼魏將以難為祭周遼兀復為牛矣朱暉傳注東觀

記先宋微子之後以國氏宋滅奔碭易姓朱氏後徙宛風俗通又有宣云宣公後邵姓解有禹契二氏繆及

王夫皇父空相事父不更幹獻申屠三仇魚孫圍龜樂

王白馬黑夷鳩夷不夷艾歲西鉏中野即利子朝子奢

子蕩子罕右師左師司城司寇司馬司徒右歸公朱陽

門季老微生孔父弊侯老男弁官武信

複三十八因夷不夷幹獻見世

本魚孫白馬見風俗通不更不茅見潛夫論墨夷見邵氏姓解世本楚大夫公朱高出宋公子朱宋義事懷王

封武信君為氏

與季老男氏巨辰經氏

三字

因夷不茅西鄉已

氏木門東鄉祝其及木坎合向皇樂戎御魚鱗蕩氏于

采也祝其出戴公子祝其而齊靈子牙母乃戎子或又有鍾氏之出州犁木氏出木門風俗通宋大夫西

鄉錯尸子隱者西鄉曹又南雍闕為皇父漢皇父鸞乃為皇甫其支于戴者鄭取之有

戴氏留氏苗氏隱十年鄭伯伐取戴附庸不言滅姓書戴公後以諡為氏段采褚為

褚氏石氏褚師氏恭公子字子石石彊仲思之曾潛公生弗父何

義國其第四世孔父嘉之難子木金父逋于魯為孔父

氏孔氏生祁父為防大夫子防叔生伯夏伯夏生叔梁

紇字叔梁姓解紇有叔梁氏安紇封聊生皮及尼孟皮襲聊為聊氏又姓

有聚云出聊晉聚

尼母顏野合

謂非正聘詳少昊紀家語等有廟見等事妄也

生而顛頂故名丘而字仲尼

尼古夷字顛蓋圻字均貌故世本史記家譜皆作圻

頂緯書言孔子反字世本云反首張面言頂上竅也淮人謂堰水平浸為圻然字書集韻舉音為篇說云頭妍從翻誣矣世言顏氏禱尼丘山而為名

字更著之于魯圖豈不以山川之義哉四十有九表堤

眉谷竅參臂駢脇要大十圍長九尺有六寸時謂長人

事詳世本及孔子家譜祖庭記等有生日辨在餘論廣博聖武為魯司寇齊人患

焉歸女季氏子乃去之歷于諸侯莫能用也十有三年而歸于魯

敬王二十三年去魯哀十一年冬反魯歷周鄭宋曹衛陳楚杞呂齊梁頓牟云歷七十國

也過然後樂正禮得乃刪詩定書繫周易作春秋以示炯

戒自惟商後而宋不足徵乃述考志追商頌以尾魯故

曰明王不興天下其孰能宗予不亡幸于宋也反魯蓋

六年而沒敬王之四十有一年也

商頌宋頌也頌襄公之詩耳叙詩者以為

正考父所得商詩中言湯孫而毛鄭遂以為太甲中宗之詩妄也夫言奮伐荆楚襄公事也萬舞有奕非商樂也蓋宋有商王之廟而詩為宋祀之詩此常理爾故韓嬰馬遷亦以為美襄公然遷以為考父作則繆矣考父佐戴武宣非襄公時蓋因而誤之此宋也而謂之商不志本也六藝論云文王創基至魯僖間商頌不在數矣孔子刪詩時錄此五章豈無意哉商邑翼翼四方之極我有嘉客亦不夷憚豈能忘哉景山商墳墓之所在也

商邑之大豈無賢才哉松柏丸丸在于斲而遷之方斲而敬承之以用之爾松柏小材有挺而整布衆楹大材有閑而靜別既各得旃則寢成而孔安矣拱成羣材而任以成國則人君高拱仰成矣是綢繆牖戶之義也疏云景山泰山誤矣商有景毫之命而衛詩亦言景山商之山也顧伯邨乃以為宋人幸周室之衰又謂夫子存之者以見二王之後有此顛覲烏足知聖人哉

初武丁封季父于河北曼曰蔓

廣韻云封河北為鄧誤杜云鄧城在潁川郟陵

侯有曼氏蔓鄂氏優鄧其出也

莊十六年滅 優

滅于楚有鄧氏登氏鄧侯氏養氏聃氏駢氏

蔓姓鄭之分楚武鄭莊妃

祖庚封弟文于苑有苑

人後有優鄧憂氏

左傳有苑何忌苑鎮碑失之

封子于權楚人遷之郟處為郟

氏那氏權氏

莊十八年滅今為那不知  
邠也姓纂以權出鬪緡非

太丁侯母弟堂

陽為堂陽氏

城冢記

蕩陽番署御姓國也四時茶共梅稚

定巢邳同黎比髦劫段瓦鐵繁沛來向施蕭饑索空桐

鮮虞皆子國也

二十六詳  
國名紀

西伯戡黎武王復以封湯後

黎侯豐舒奄之有黎氏犁氏

六韜決大疑云甲子武王  
封湯後于犁殷後于宋三

百以為殷社黎犁也即  
黎陽故陳球碑作犁陽

商國萊侯與太公爭營丘及齊

復入萊共工浮柔奔棠晏弱遷之鄉有萊氏邾氏浮萊

氏浮氏

在國東  
曰東萊

蕩則秦滅之

一曰  
湯氏

巢則吳滅之

昭二  
十四比

干則受劓之

干四月四日生武王封墓貞觀十九年再封之贈太師諡忠烈梅伯則醢

之矣有蕩氏比氏梅氏枚氏梅伯氏

武王封伯立孫黃梅曰忠侯居楚鄭

問以梅為氏韻云梅伯本出干姓歐文忠梅氏銘云遠出梅伯世久籍不明怒也

比干死子堅

逋長難林為王氏林氏

王望及則河間林王為十德之門邵氏云少師比干後鄧名世

久為無失之成王以商之六族條氏徐氏蕭氏索氏長勺氏

尾勺氏錫魯公復以商民七族賚康叔陶氏施氏嬖氏

錡氏樊氏饑氏終葵氏

皆商之族分封後為民乃商之巨室故賜之潛夫論嬖作繁饑

作飢云皆商之舊姓桃子蕭姓春秋時猶在鄭穆公少蕭人則楚

滅之宣十太心采桐門為還氏桐門氏太心戴公子衍後是為空桐或

云太心始萊蕭為氏非夏有蕭矣還蕭大夫還無社蕭道成遷劉宋七世號齊行

代之為梁世四易入于陳又有李氏蛸氏饜饜氏齊武改其

子巴東子響為蛸梁武賜豫章王綜為李然宋先已有勃氏武陵王已敗賜為饜饜氏李名世作悖而乙

氏湯氏殷氏商氏祖氏亳氏薄氏北殷氏殿氏武氏皆

湯後也姓書乙出天乙非本吞乙爾江南湯悅本殷崇義改而殿乃崇陵間商殿全袒姓殷徒撫因訟

今以似次妃墜豐氏曰慶都生堯有紀篇言或作陳鋒傳又言堯

母為有窮氏妾次妃有陬氏曰常義生而能言髮迨其踵是歸



高辛生太子康及月十二

山海經云羲和者帝俊之妻也生十日又曰帝俊妻常羲

生月十二蓋月當為日十日者謂以日名如甲乙丙丁之類云羲和者乃常羲有陬氏也大戴禮名常羲傳作

尚儀作常儀又作常宜士安作常耳失之陬音輒見大戴史漢世紀作姬訾氏非也劉敬叔異苑云陬訾氏生

而髮與足齊墮地能言及為帝室八夢日而生八子皆有賢智世號八元伯奮仲堪叔獻季仲伯虎仲熊叔豹

季狸也年代歷云陳留氏生八元蓋八元實沉闕伯晏誤有陬為陳豐誤陳豐為陳留爾

龍叔戲巫人續牙猷越也八元為虞布五教

十六相十六臣爾姓

書以狸虎豹為八元後氏宜非

實沉闕伯居曠林干戈日尋后帝不臧

遷闕于宋是為商沉于大夏是為參後有實氏參氏闕

氏邊氏堪氏奮氏龐氏擣氏商丘氏

實沉為陰陽宮闕伯為條火大神

續牙友舜于貧貴而遺之為續氏

經云帝俊生身是也人表韓非說疑淵明

二八目皆作續牙蓋隸者多以牙為身也

晏龍事虞為納言是主琴瑟生司

幽是為司幽之國有龍氏

即龍也

巫人封巫為巫氏生戴

民戴民盼姓

經有戴民之國韻作戴國誤

其侯于蜀者更生號後分

苴苴侯好于巴故巴仇蜀蜀伐苴苴侯奔巴巴求援于

秦秦之滅蜀遂及苴巴有蜀氏苴氏葭氏

蜀志云帝偁封支子于蜀

是為蜀侯秦滅之為巴蜀二郡蜀王弟葭萌封苴

叔戲生搖民搖生居越生女

且為搖氏

漢海陽侯搖無餘世以為越後未悉爾

高辛游海濱過棘城闕

顛頊之虛樂之暨其歸居獸越于昌黎邑于紫蒙之野

號曰東胡漢初敗于匈奴退保鮮卑之山曰鮮卑是曰

烏丸

隨國經山在柳城東南二百里又棘城東塞外及遼西北百里亦有鮮卑山皆其地杜佑不能詳

魏初莫護跋部入遼西置國大棘城之北曰步搖徒河

涉歸進拜單于二子長吐谷渾置國甘松南孫葉延為

吐渾氏次若莫廐遷徒何之青山以大棘顛帝之虛徒

焉子魃遂王燕前後南燕皆出也

詳餘論

又有豆盧賀蘭

慕輿慕利慕護庫狄

豆盧寧本慕容歸義為豆盧也賀前本鮮卑依賀

蘭山谷者為氏及裕慕暮之氏

西秦鮮卑大人裕苟降汴有慕氏出此姓苑又有暮氏晉書慕

容有熊氏後因山號妄

柔僕羸土亦帝之裔末也

山海經柔僕之國帝俊之生已

一曰羸土高辛崩而帝虜立襲高辛氏

虜見年代歷史傳皆作摯故高誘陳伯宣

以帝摯為少昊而以少昊為借之子尹子遂有少昊逐弟之說妄也按少昊在位八十四年摯在位九年摯立不善而少昊之德在人如此夫何疑哉世紀云摯母于四人中班最下而摯于兄弟中年最長故登位後立弟放勳為唐侯按虜音致人必誤為摯而繆為少昊爾世孰有名曾祖哉帝虜之立不善九載以其仲立是為堯

故議郎衛宏云摯立九年而唐侯德盛因禪焉故世紀云摯政軟弱

而唐侯德盛諸侯歸之摯服其義乃率諸侯造唐朝致攝焉又云摯因委心為臣堯知天命所在乃受而封之高辛蓋意有子玄元堯封之于中路歷夏侯服國盡為逆之言

中路氏路氏辛氏僑氏囂氏

囂見世本僑出僑極姓書辛出董非

堯封舜

故舜郊鬻而商周用禘

姓也者性也與生俱生者也山行十驛形不脫祖水行千里性本其處山有形水有性是故性不可易子孫十世不免性類我者諸姜之性弘諸姚之性仁張王之性寬李趙之性慤劉范性急嬴偃性雄呂尚性

猶熊羊性異姬黃性廣曹僧性褊豈聖人固為區哉  
所以別亂兆明人義也傳曰男女同姓其生不繁行  
路有禮惟其原有以使之也余起路史既歸天下之  
姓氏見孔氏之出高辛老氏之出少昊既為周著而  
後怪佛者之來獨靡適從不姓不氏而孤出乎神州  
之外為其徒者累垂出沒百千萬億至亦自蔑其姓  
氏而從之嗟乎彼之教以滅道來不知所從去不知所  
往不仁不敬理固應爾而乃不知先王大倫實亂于


此今夫削頭鉢食羣趨而輦脇者誕謾誣調莫不俵  
俵自以為得高視濶步至不認其宗祖父母兄弟是  
豈名人也邪冠婚喪祭此人道之大者也自天子至  
庶人兵戈戮殺亦不過此四者而已而今也冠昏易  
亂而無以酬生喪祭蔑薄而莫以報死而又奚以生  
為孔子曰窮理盡性以至於命父兄子母所以窮理  
飲食裘葛所以盡性而歸根守白凡所以至命也不  
窮理不足以盡性不盡性不足以知命窮理至命固

非可獵等也而彼佛者每得其偏而不蔽其全故知性者必達乎理命知命者必達乎理性每執一見自為至足亦可謂不知務矣吾夫子亦何嘗蔑性而薄命哉雖然弟子之惑滋甚若老之說脩而上之至于無上清虛之境人皆空濛散為清陽之氣虛無縹緲無有形質從佛之說脩而上之至於果位入三摩地人皆罔蕩斂為善爽之鬼寂冷坐結弗復變化而無有君父妻子朋從之與往來且以父祖子孫人之所



以為際而冠昏喪祭生之所以為奉者也奈何有父祖而不得其所以為奉有子孫而不得其所以為際父祖子孫冠昏喪祭既無以自盡則亦奚用于有生寂冷坐結觸輒散弛而無有形質則亦奚貴于有我哉究言索理固不足以滿神禹之一笑是以聖人于此必因乎父祖子孫冠昏喪祭事上而為之制使之不失其本原而後已然則教者其可以不嚴所道而沉迷乎寂滅誕謾之區哉自古及今亦有不仁義之

真僊若無君親之佛覺乎別生分類人道之極摯聖  
人之所甚急而不可後者顧可厭而棄之歟



路史卷十九